



# IZINKOLELO-ZE NAMAQINISO

MAYELANA NOCWANINGO   
LOMGOMO WE-TB

## INKOLELO-ZE

**Abantu abasemazweni asathuthuka bavame ukusetshenziswa “kuhlolwa ngabo” lapho kwenziwa izivivinyo zocwaningo lwemigomo ehlolelwa kubantu**



### IQINISO

Izivivinyo zocwaningo oluhlolwa kubantu zokuqala ngqa zivame ukwenzelwa ezweni lapho umgomo watholakala khona okokuqala.

Emuva kokuba umgomo sewuhlolwe ezokuphepha okokuqala, kumele uhlolwe emazweni lapho lesi sifo sidlangile kuwo ukubona ukuthi ungakwazi na ukuvikela isifo ebantwini abawudinga kakhulu. **Ezivivinyweni zomgomo we-TB, lokhu kumele kwenziwe emphakathini onamazanga aphezulu e-TB.**

## INKOLELO-ZE

**Igazi eliqoqwe ezivivinyweni zocwaningo oluhlolwa kubantu liyathengiswa ngokuhamba kwesikhathi ukuze kwenziwe inzuzo.**

### IQINISO

Igazi alikaze lithengiswe noma lisetshenziswe nganoma eyiphi indlela ephambene nomthetho.

Kuthathwa igazi ezivivinyweni zocwaningo oluhlolwa kubantu

- Ukuqinisekisa ukuthi ababambiqhaza baphilile futhi balungele isivivinyo
- Ukuqapha isimo sempilo nokuphepha kwababambiqhaza ngesikhathi sesivivinyo
- Ukuze kubonakale ukuthi umgomo uwusiza kanjani umzimba ukulwa nesifo

**Lapho kuhlolwa kusetshenziswa igazi elincane kakhulu.** Kwezinye izivivinyo, elinye igazi liyagcinwa ukuze lihlolwe ngokuhamba kwesikhathi, inqobo uma kutholakale imvume yombambiqhaza.



## INKOLELO-ZE

**Imigomo ye-TB esetshenziswa ezivivinyweni zocwaningo lomgomo we-TB ohlolelwa kubantu ibathelela nge-TB**



### IQINISO

Umgomo ngokwawo awenzelwe ukunqanda i-TB. Ezivivinyweni zomgomo abanye ababambiqhaza banikwa umgomo ohlolwayo futhi abanye banikwa isithiphazisi (umgomo ongenzi lutho emzimbeni). Abacwaningi baqhathanisa imiphumela ukubona ukuthi umgomo uyasebenza na. Ababambiqhaza abanikwa isithiphazisi basengcupheni yokuthola i-TB njengabanye abantu abasemphakathini, ngakho kulindeleke ukuthi abanye ababambiqhaza bangase bathole i-TB.

Nokho, **noma umuntu enikwa umgomo we-TB njengengxenye yesivivinyo, usasengcupheni yokuthola i-TB emphakathini aphila kuwo noma ukuvusa i-TB yakhe engenamandla.**



## INKOLELO-ZE

**Uma kutholakala ubufakazi bokuthi umgomo uyasebenza, umphakathi nababambiqhaza ababandakanyeka esivivinyweni socwaningo oluhlolwa kubantu abazukuzuzisa lutho.**

### IQINISO

Uma sekunobufakazi bokuthi umgomo uphephile futhi uyasebenza, uzoba khona ukuze usetshenziswe umphakathi uma uhulumeni esekhiphe ilayisense futhi wawugunyaza.

**Impokophelo yethu wukwakha umgomo ozoba khona futhi imiphakathi ewudinga kakhulu ikwazi ukuwuthola.**



## INKOLELO-ZE

**Abantu abaguliswa i-TB kuphela abangabamba iqhaza ezivivinyweni zocwaningo lomgomo we-TB ohlolelwa kubantu**



### IQINISO

Izivivinyo zocwaningo lomgomo we-TB ohlolelwa kubantu zihlola ukuthi umgomo ungakwazi na ukuvikela abantu ekuthelelekeni nge-TB. Ngakho, bantu ababambe iqhaza esivivinyweni socwaningo lomgomo we-TB ohlolelwa kubantu kuvame ukuba abantu abaphilile, kodwa abahlala endaweni enengcuphe enkulu yokuthola i-TB.

